

## **SHARTNOMA**

### **(Omborda omonat saqlash to'g'risida)**

Shartnoma tuzilgan vaqt

№ Shartnoma raqami

Shartnoma tuzilgan joy

Ushbu shartnoma kelgusida "Yuk topshiruvchi" deb ataluvchi yuridik shaxs Yuk topshiruvchi tashkilotning to'liq nomi va tashkiliy huquqiy shaklining Yuk topshiruvchi tashkilot rahbarining lavozimi Yuk topshiruvchi tashkilotning rahbari F.I.O.si hamda "Omonat saqlovchi" deb ataluvchi yuridik shaxs Omonat saqlovchi tashkilotning to'liq nomi va tashkiliy huquqiy shaklining Omonat saqlovchi tashkilot rahbarining lavozimi Omonat saqlovchi tashkilotning rahbari F.I.Olar o'rtasida quyidagilar to'g'risida tuzildi:

### **1. SHARTNOMA PREDMETI**

1.1. Mazkur shartnoma bo'yicha Omonat saqlovchi unga shartnomaning 1.2-bandida ko'rsatilgan Yuk topshiruvchi tomonidan berilgan ashyoni saqlash va bu ashyoni to'la holda qaytarish, Yuk topshiruvchi esa Omonat saqlovchiga buning uchun haq to'lash majburiyatini oladi.

1.2. Yuk topshiruvchi Omonat saqlovchiga Omonat saqlash uchun yuk topshirilayotgan kun kuni Omonat saqlash uchun topshirilgan ashyoning miqdori miqdoridagi Omonat saqlash uchun topshirilayotgan ashyo nomi ni saqlash uchun topshiradi. Omonat saqlovchi ularni qabul qilib oladi.

1.3. Omonat saqlovchi omonatni Omonat saqlash uchun topshirilgan ashyoni saqlashning oxirgi kuni kuniga qadar bo'lgan davrda saqlaydi.

1.4. Shartnomasi bo'yicha ashyoni saqlashga qabul qilish majburiyatini olgan Omonat saqlovchi bu ashyoni saqlash uchun o'ziga berishni talab qilishga haqli emas.

1.5. Taraflarning kelishuviga muvofiq ashyoni saqlashni quyidagi shartlari belgilanadi Ashyoni saqlashning shartlari

### **2. OMONAT SAQLAGANLIK UCHUN TO'LANADIGAN HAQ VA HISOB-KITOB QILISH TARTIBI**

2.1. Ushbu shartnoma bo'yicha Yuk topshiruvchi Omonat saqlovchiga ashyoni saqlaganlik uchun har oyda "Yuk topshiruvchi" "Omonat saqlovchi"ga ashyoni saqlaganlik uchun har oyda to'laydigan haq miqdori so'm miqdorida keyingi oyning "Yuk topshiruvchi" "Omonat saqlovchi"ga ashyoni saqlaganlik uchun har oyda haq to'laydigan kun sanasidan kechiktirmamay haq to'laydi. Ashyoni saqlash xarajatlari to'lanadigan haq summasiga kiradi.

2.2. Taraflar o'rtasida hisob-kitoblar Bajarilgan ishlar uchun to'lovlarni amalga oshirish usuli tartibida amalga oshiriladi.

### **3. TARAFLARNING HUQUQ VA MAJBURIYATLARI**

3.1. Omonat saqlovchi:

3.1.1. Shartnomaning 1.2-bandida belgilangan muddatda topshirilgan ashyoni saqlash uchun qabul qilishi;

3.1.2. Ashyoni Yuk topshiruvchi talab qilib olguncha saqlashi;

3.1.3. Ashyoni O'zbekiston Respublikasi Fuqarolik kodeksi 884-moddasining birinchi qismida nazarda tutilgan hollarda uchinchi shaxsga topshirganligi haqida Yuk topshiruvchini kechiktirmay xabardor qilishi;

3.1.4. Saqlashga topshirilgan ashyoning to'liq saqlanishini ta'minlash uchun shartnomada nazarda tutilgan, shuningdek boshqa barcha zarur chora-tadbirlarni ko'rishi;

3.1.5. Saqlashga topshirilgan ashyoni Yuk topshiruvchiga yoki u oluvchi sifatida ko'rsatgan boshqa shaxsga topshirishi;

3.1.6. Ashyo saqlashga qanday holatda topshirilgan bo'lsa, o'sha holatda, uning tabiiy yomonlashuvini yoki tabiiy kamayishini hisobga olib qaytarib berishi;

3.1.7. Ashyoni qaytarish bilan bir vaqtda uni saqlash vaqtida olingan hosil va daromadlarni ham topshirishi;

3.1.8. Yuk topshiruvchining talabi bilan saqlashga qabul qilingan ashyoni darhol qaytarib berishi;

3.1.9. Ashyoni saqlash Omonat saqlovchi javobgar bo'ladigan vaziyatlar tufayli muddatidan oldin to'xtatilsa, u saqlaganlik uchun haq talab qilish huquqiga ega bo'lmaydi, bu haq ustidan olgan summalarni esa Yuk topshiruvchiga qaytarishi;

3.1.10. Ashyoni saqlash shartlarini o'zgartirish zarurligi haqida darhol yuk topshiruvchini xabardor qilishi va uning javobini kutishi;

3.1.11. Ashyoning yo'qolishi yoki shikastlanishi xavfi paydo bo'lgan taqdirda, shartnomada nazarda tutilgan saqlash usuli, joyi va boshqa shartlarni Yuk topshiruvchining javobini kutmasdan o'zgartirishi shart.

Omonat saqlovchining shartnomada ko'rsatilganidan boshqa majburiyatlari

3.2. Yuk topshiruvchi:

3.2.1. Saqlash uchun shartnomaning 1.2-bandida qayd etilgan ashyoni unda ko'rsatilgan muddatgacha topshirishi;

3.2.2. Omonat saqlovchiga shartnomaning 2.1-bandida belgilangan miqdor va muddatlarda ashyoni saqlaganligi uchun haq to'lab borishi;

3.2.3. Shartnomada nazarda tutilgan saqlash muddati tamom bo'lgach, saqlash uchun topshirilgan ashyoni qaytarib olishi;

3.2.4. Shartnomada nazarda tutilgan muddat tugaganidan keyin saqlab turilgan ashyo qaytarib olinmagan bo'lsa, u ashyoni bundan keyin saqlagani uchun Omonat saqlovchiga tegishli miqdorda haq to'lashi;

3.2.5. Omonat saqlovchi ashyoni saqlash uchun qabul qilib olayotgan paytida uning xossalarini bilmagan va bilishi shart bo'lmagan bo'lsa, saqlash uchun topshirilgan ashyoning xossalari tufayli yetkazilgan zararni Omonat saqlovchiga to'lashi shart.

Yuk topshiruvchining shartnomada ko'rsatilganidan boshqa majburiyatlari

3.3. Omonat saqlovchi:

3.3.1. Ashyoni saqlash muddati tugagach, ashyoning Yuk topshiruvchi tomonidan qaytarib olinishini talab qilish;

3.3.2. Ashyoni saqlash Omonat saqlovchi javobgar bo'lmagan vaziyatlar tufayli shartlashilgan muddatidan oldin to'xtatilsa, u haqning mutanosib qismini, O'zbekiston Respublikasi Fuqarolik kodeksi 883-moddasining birinchi, ikkinchi va uchinchi qismlarida nazarda tutilgan hollarda esa, haqning hammasini olish;

3.3.3. Yuk topshiruvchi ashyoni olishdan bosh tortgan taqdirda, ashyoni mustaqil suratda sotishga, uning qiymati belgilangan eng kam ish haqining ellik baravariga teng summadan ortiq bo'lgan taqdirda esa - O'zbekiston Respublikasi Fuqarolik kodeksining 379, 380 va 381-moddalarida nazarda tutilgan tartibda sotish;

3.3.4. Saqlash vaqtida ashyoning buzilish xavfi aniq bo'lib qolsa yoki ashyo buzilgan bo'lsa, yoki uning to'liq saqlanishini ta'minlashga imkon bermaydigan vaziyatlar vujudga kelgan bo'lsa, Yuk topshiruvchi tomonidan esa o'z vaqtida choralar ko'rishini kutish mumkin bo'lmasa, ashyoni yoki uning bir qismini saqlash joyida amalda bo'lgan bahoda mustaqil sotish, shuningdek agar mazkur vaziyatlar u aybdor bo'lmagan sabablarga ko'ra vujudga kelgan bo'lsa, sotish uchun qilgan o'z xarajatlarini xarid bahosidan undirish huquqiga ega.

Omonat saqlovchining shartnomada ko'rsatilganidan boshqa huquqlari

3.4. Yuk topshiruvchi:

3.4.1. Omonat saqlovchidan ashyoni saqlash bo'yicha mazkur shartnomada va qonun hujjatlarida belgilangan majburiyatlarini lozim darajada va oqilona bajarishini talab qilish;

3.4.2. Ashyoni muddatidan oldin Omonat saqlovchidan qaytarib berishni talab qilish;

3.4.3 Omonat saqlovchi javobgar bo'lgan holda shikast yetishi natijasida ashyoning sifati undan dastlabki vazifasi bo'yicha foydalanish mumkin bo'lmaydigan darajada o'zgargan bo'lsa, undan voz kechish va Omonat saqlovchidan ushbu ashyoning qiymatini talab qilish huquqiga ega.

Yuk topshiruvchining shartnomada ko'rsatilganidan boshqa huquqlari

#### **4. TARAFLARNING JAVOBGARLIGI**

4.1. Omonat saqlovchi saqlash uchun qabul qilingan ashyo yo'qolganligi, kam chiqqanligi yoki shikastlanganligi uchun O'zbekiston Respublikasi Fuqarolik kodeksining 333-moddasida nazarda tutilgan asoslarga ko'ra javobgar bo'ladi.

4.2. Ashyo yo'qolganligi, kam chiqqanligi yoki shikastlanganligi tufayli Yuk topshiruvchiga yetkazilgan zarar O'zbekiston Respublikasi Fuqarolik kodeksining 324-moddasiga muvofiq Omonat saqlovchi tomonidan qoplanadi.

4.3. Saqlash uchun ashyo topshirilgan uchinchi shaxsning harakatlari uchun Omonat saqlovchi javob beradi.

4.4. Shartnomaning 1.2-bandida nazarda tutilgan muddatda ashyoni saqlashga topshirmagan Yuk topshiruvchi, ashyoni saqlashga topshirmaganligi munosabati bilan yetkazilgan zarar uchun Omonat saqlovchi oldida javobgar bo'ladi.

4.5. Shartnomada yukni qaytarib berishning boshqacha muddati belgilangan bo'lsa ham, omonat saqlovchi yuk topshiruvchining talabi bilan saqlashga qabul qilingan ashyoni darhol qaytarib bersa, Yuk topshiruvchi majburiyatni muddatidan oldin bekor qilishi tufayli Omonat saqlovchiga yetkazilgan zararni to'lashi shart.

4.6. Shartnomada nazarda tutilgan saqlash muddati yoki Omonat saqlovchining talabiga ko'ra ashyoni qaytarib olishi shart bo'lgan vaqt tugagach, Yuk topshiruvchi saqlanayotgan ashyoni qaytarib olmasa, Omonat saqlovchi bundan buyon ashyo yo'qolganligi, kam chiqqanligi yoki shikastlanganligi uchun qasddan harakat qilgan yoki qo'pol ehtiyotsizlik qilgan taqdirdagina javob beradi.

4.7. Omonat saqlovchi ashyoning yo'qolishi, kam chiqishi yoki shikastlanishi: yengib bo'lmay kuch ta'siri oqibatida; ashyoning uni saqlash uchun qabul qilish chog'ida Omonat saqlovchi bilmagan va bilishi shart bo'lmagan yashirin xossalari tufayli; saqlanayotgan ashyoning yo'qolganligi, kam chiqqanligi yoki shikastlanganligi Yuk topshiruvchining qasddan qilganligi yoki qo'pol ehtiyotsizligi natijasida yuz berganligini isbotlamasa javobgar bo'ladi.

4.8. Taraflar o'z majburiyatlarini bajarmagan yoki lozim darajada bajarmaganliklari uchun O'zbekiston Respublikasining Fuqarolik kodeksi va boshqa qonun hujjatlari hamda mazkur shartnomaga muvofiq javobgar bo'ladilar.

#### **5. NIZOLARNI HAL QILISH TARTIBI**

5.1. Taraflar o'rtasida kelib chiqadigan nizolar taraflarning o'zaro kelishuvi asosida hal etiladi.

5.2. Taraflar kelishuvga erishmagan taqdirda, mazkur shartnomaning tuzilishi, uning shartlarining o'zgarishi, buzilishi, ijro etilishi, bekor bo'lishi, tugatilishi va haqiqiyliги yuzasidan kelib chiquvchi barcha nizolar, kelishmovchiliklar va talablar O'zbekiston Respublikasi Savdo-sanoat palatasi huzuridagi Hakamlik sudida uning Reglamentiga asosan hakamlik sudyasi tomonidan yakka tartibda ko'rib chiqiladi. Hakamlik sudining hal qiluv qarori taraflar uchun qat'iy va majburiy hisoblanadi.

#### **6. SHARTNOMANING BOSHQA SHARTLARI**

6.1. Mazkur shartnoma bo'yicha ashyoni saqlashga qabul qilish majburiyatini olgan Omonat saqlovchi bu ashyoni saqlash uchun o'ziga berishni talab qilishga haqli emas.

6.2. Ashyo shartnomada kelishilgan muddatda saqlashga topshirilmagan hollarda, shartnoma tuzilgan kundan boshlab uch oy o'tganidan keyin Omonat saqlovchi ashyoni saqlashga qabul qilish majburiyatidan ozod etiladi.

6.3. Omonat saqlovchi o'ziga saqlash uchun topshirilgan ashyodan Yuk topshiruvchining rozilgisiz foydalanishga, shuningdek uchinchi shaxslarga undan foydalanish imkoniyatini berishga haqli emas, saqlanayotgan ashyodan foydalanish uning to'liq saqlanishini ta'minlash uchun zarur bo'lgan hollar bundan mustasno.

6.4. Yuk topshiruvchi tez yonadigan, portlash xavfi bo'lgan yoki o'z tabiatiga ko'ra xavfli bo'lgan ashyolarni saqlash uchun topshirayotgan vaqtda Omonat saqlovchini ularning xossalari haqida ogohlantirmagan bo'lsa, Omonat saqlovchi bu ashyolarni ko'rilgan ziyonni Yuk topshiruvchiga to'lamagan holda istagan vaqtda zararsizlantirishi yoki yo'q qilib tashlashi mumkin. Yuk topshiruvchi bunday ashyolar saqlanishi munosabati bilan Omonat saqlovchiga va uchinchi shaxslarga yetkazilgan zarar uchun javob beradi.

6.5. Shartnomaning 6.3. va 6.4-bandlarida nazarda tutilgan hollarda ashyolarni saqlash uchun to'langan haq Yuk topshiruvchiga qaytarib berilmaydi, bordi-yu, bu haq to'lanmagan bo'lsa, Omonat saqlovchi uni to'la-to'kis Yuk topshiruvchidan undirib olishi mumkin.

6.6. Omonat saqlovchi xabardor bo'lgani holda va uning roziligi bilan saqlashga qabul qilingan tez yonadigan, portlash xavfi bo'lgan yoki o'z tabiatiga ko'ra xavfli bo'lgan ashyolar, garchi ularni saqlash shartlariga rioya etilgan bo'lsa-da, atrofdagilar uchun yoki Omonat saqlovchi yoxud uchinchi shaxslarning mol-mulki uchun xavfli bo'lib qolgan bo'lsa hamda vaziyat Omonat saqlovchining Yuk topshiruvchidan ularni darhol olib ketishni talab qilishiga imkon bermasa yoki Yuk topshiruvchi bu talabni bajarmasa, ushbu ashyolar Omonat saqlovchi tomonidan Yuk topshiruvchiga ziyonni to'lamagan holda zararsizlantirilishi yoki yo'q qilib tashlanishi mumkin. Bunday hollarda Yuk topshiruvchi ushbu ashyolarni saqlash munosabati bilan keltirilgan zarar uchun Omonat saqlovchi va uchinchi shaxslar oldida javobgar bo'lmaydi.

6.7. Ashyoni saqlash uchun qilingan, odatdagi bunday xarajatlardan ortiq bo'lgan hamda mazkur shartnomani tuzish chog'ida taraflar oldindan ko'rishi mumkin bo'lmagan xarajatlar (alohida xarajatlar), basharti Yuk topshiruvchi ushbu xarajatlarga rozilik bergan yoki ularni keyinchalik ma'qullagan bo'lsa, Omonat saqlovchiga to'lanadi. Alohida xarajatlar saqlash haqiga qo'shimcha ravishda to'lanadi.

6.8. Ishning holatlariga ko'ra Yuk topshiruvchining roziligini oldindan olish mumkin bo'lsa-da, Omonat saqlovchi bunday rozilikni olmasdan turib saqlash uchun alohida xarajatlar qilgan va Yuk topshiruvchi keyinchalik ularni ma'qullamagan taqdirda, Omonat saqlovchi alohida xarajatlarni faqat ushbu xarajatlar qilinmasa ashyoga yetkazilishi mumkin bo'lgan zarar doirasida qoplashni talab qilishi mumkin.

## **7. YAKUNLOVCHI QOIDALAR**

7.1. Mazkur shartnomaga har qanday o'zgartirish va qo'shimchalar, ular yozma ravishda tuzilgan va taraflarning vakolatli shaxslari tomonidan imzolangan taqdirda haqiqiy hisoblanadi.

7.2. Mazkur shartnoma ikkita asl nusxada tuzilgan bo'lib, birinchisi Omonat saqlovchida, ikkinchisi Yuk topshiruvchida saqlanadi.

7.3. Shartnoma tomonlar imzolangan kundan kuchga kiradi va Shartnomaning amal qilish muddati tugaydigan sana ga qadar amal qiladi.

## **XI. TOMONLARNING REKVIZITLARI**